

GODIŠNJI IZVJEŠTAJ 2017.



GODIŠNJI

IZVJEŠTAJ

2017.

Uvodna riječ

Još jedna godina je za nama. Stresna kao što su bile i mnoge prethodne. Ovu je svakako obilježila selidba udruženja u nove prostorije. Od oktobra 2017. smo na novoj adresi, u Ulici Bana Lazarevića. U stanu čiji vlasnici su bili jedini koji su pristali da iznesu svoj namještaj kako bismo mi mogli unijeti svoj. I koji su pristali da nam smanje kiriju, jer veću ne bismo mogli plaćati.

Neplanirana selidba nas je još jednom uvjerila koliko su organizacije civilnog društva ranjive, prepuštene same sebi da se, kako znaju i umiju, snalaze za prostore, donacije, da zadrže ljude i da etički i profesionalno rade u ambijentu koji iz godine u godinu postaje sve zatrovaniji i gdje i mi, koji se zalažemo za poštivanje ljudskih prava, pomirenje i dijalog, sami sebi počinjemo da zvučimo otrcano. Jer kako zagovarati i promovisati vladavinu prava i poštivanje zakona u državi u kojoj su zakoni jedni sa drugima u koliziji, gdje zakoni ne vrijede isto za sve, gdje se odluke najviših sudskih instanci ne provode i gdje političke igre i manipulacije diktiraju svakodnevni život?

Guše nas okeani problema, no to naše političare nije spriječilo da daju izjave kako se nadaju da će Bosna i Hercegovina već 2018. dobiti kandidatski status za ulazak u Evropsku uniju. A ni odgovore na Upitnik EK nisu još dostavili! Zato smo mi, u okviru Inicijative za monitoring evropskih integracija, pripremili i objavili svoje Alternativne odgovore. I iz tih odgovora, koji su pokrili tek jedan mali dio pitanja iz Upitnika, sasvim je vidljivo sa kakvim se sve problemima susrećemo – nema adekvatnih i jedinstvenih statističkih podataka, nema metodološki jasno uspostavljenih indikatora na osnovu kojih bi se pratile određene pojave u društvu, nema sistemskih analiza, ne implementiraju se zakoni, ne provode se usvojene strategije, nema kazni za one koji krše i ne provode zakone, itd.

Iako je stanje na terenu obeshrabrujuće, nastavili smo zagovarati promjenu Ustava BiH, veće uključivanje žena u sve procese u državi, kulturu dijaloga i alternativne načine korištenja javnih prostora. Zajedno sa drugim organizacijama civilnog društva oštro smo osudili govor mržnje uperen protiv žena i prijetnje upućene novinaru Draganu Bursaću. Takođe, od MUP RS tražili smo da otkáže skup podrške Ratku Mladiću, zakazan za 11. juli u vrijeme obilježavanja masovnih ubistava u Srebrenici.

Nadamo se da ćete čitanjem ovog Godišnjeg izvještaja dobiti jasniju sliku šta smo sve radili u 2017. godini i da ćete nastavili pružati podršku našem radu. Koristim ovu priliku i da se zahvalim svima sa kojima smo sarađivali, posebno Ivani Stanković i Igoru Kolundžiji koji više nisu dio Udruženja i koji su se pridružili armiji mladih koja napušta ovu zemlju u potrazi za humanijim uslovima života negdje drugdje.

Dragana Dardić

O NAMA

Helsinški parlament građana (HPG) Banja Luka je registrovan 16. avgusta 1996. godine kao lokalna nevladina organizacija u Republici Srpskoj/Bosni i Hercegovini. Od tog vremena HPG Banja Luka je aktivno uključen u promociju, jačanje i povezivanje civilnih inicijativa na lokalnom i regionalnom nivou i radi na pomirenju i osnaživanju marginalizovanih društvenih grupa za političko djelovanje.

Naša misija: HPG je organizacija koja podržava i stimuliše autonomnost i slobodu svih građana, uključivanjem marginalizovanih društvenih grupa, naročito žena i mladih, u demokratske procese.

Naša vizija: Društvo jednakih mogućnosti za sve.

Prioriteti djelovanja Helsinškog parlamenta građana Banja Luka:

- Osnaživanje marginalizovanih grupa, posebno žena, mladih i manjinskih grupa, za političko djelovanje i unapređenje svog položaja u društvu,
- Uticaj na institucije vlasti u Bosni i Hercegovini radi unapređenja zakona i javnih politika prema ovim grupama,
- Povećanje zastupljenosti i bolja prezentacija žena, mladih i manjina u medijima,
- Jačanje svijesti građana i građanki u Bosni i Hercegovini o diskriminaciji marginalizovanih grupa i mehanizmima zaštite njihovih prava,
- Jačanje saradnje sa drugim organizacijama i institucijama u Bosni i Hercegovini, ali i na međunarodnom nivou,
- Približavanje obrazovnih programa, literature, znanja i vještina u vezi sa izgradnjom mira, razvojem civilnog društva i ljudskim pravima građanima i građankama BiH,
- Kontinuirano usavršavanje osoblja Helsinškog parlamenta građana Banja Luka i rad na održivosti organizacije.

HPG Banja Luka je u 2011. godini provodio svoje aktivnosti u tri programska područja:

- Jačanje civilnog društva i transformacija javne vlasti u servis građana
- Zalaganje za rodnu jednakost
- Stvaranje uslova za intenzivnije uključivanje mladih u javni život

Edukativni programi – HPG Banja Luka okuplja trenerice i trenere koji za potrebe naše i drugih organizacija vode obuke iz oblasti: jačanja kapaciteta nevladinih organizacija (strateško planiranje, fundraising, kampanja, odnosi sa javnošću...), nenasilne komunikacije, rješavanja sukoba, ljudskih prava i ravnopravnosti polova. Na ovaj način HPG Banja Luka promovise svoje ciljeve i politiku i drugim društvenim grupama koje nisu direktno obuhvaćene projektima, a doprinosi i finansijskoj održivosti organizacije.

POSTIGNUĆA
ili
NAJZNAČAJNIJI REZULTATI RADA HELSINŠKOG PARLAMENTA GRAĐANA
1996 - 2017

Od svog osnivanja, 1996. godine, do danas, Helsinški parlament građana je implementirao više od 60 projekata na lokalnom i regionalnom nivou, usmjerenih na osnaživanje različitih marginalizovanih grupa za aktivniji angažman u javnom i političkom životu. Kao najznačajnija postignuća našeg rada izdvajamo:

1. Organizacija prvog poslijeratnog susreta mladih u BiH i osnivanje Omladinske mreže BiH koja djeluje i danas i broji oko 1000 članova, omladinskih organizacija i pojedinaca;
2. Osnivanje Akademije za mlade političke lidere/ice (Akademiju danas vodi nevladina organizacija Perpetuum mobile iz Banjaluke);
3. Podrška registraciji Saveza nacionalnih manjina Republike Srpske i uspješno zagovaranje donošenja Zakona o pravima pripadnika nacionalnih manjina u RS;
4. Iniciranje uvođenja posebne emisije o nacionalnim manjinama na javnom servisu RTRS (emisija Bono Homo se više ne emituje na televiziji RS, dok se emisija Korijeni, posvećena nacionalnim manjinama, i danas emituje jednom mjesečno na radiju RS);
5. Pokretanje pitanja i diskusije o diskriminirajućoj odredbi "*Ostali*" u Ustavu BiH;
6. Zagovaranje i podrška osnivanju Savjeta nacionalnih manjina, kao posebnog savjetodavnog tijela Narodne skupštine RS;
7. Iniciranje i potpisivanje Memoranduma o saradnji između Banjaluke i Pule (Memorandum je potpisan 28. marta 2011. godine s ciljem promocije multikulturalizma, interkulturalnog dijaloga i poboljšanja prekogranične saradnje između pripadnika nacionalnih manjina);
8. Omladinska kampanja "Vratite nam prostore" u kojoj smo aktivno učestvovali, rezultirala dodjeljivanjem prostora omladinskim organizacijama u 11 opština u BiH (2000);
9. U saradnji sa Gradskom upravom Banja Luka, Helsinški parlament građana je 2003. godine pokrenuo Bilten grada Banja Luka koji se i danas štampa jednom mjesečno.
10. Učešće u zagovaračkim akcijama u vezi sa usvajanjem Zakona o ravnopravnosti polova 2003;
11. Analiza primjene Zakona o ravnopravnosti polova sa aspekta sudske prakse, i na osnovu analize 2009., iniciranje donošenja izmjena i dopuna Zakona o ravnopravnosti polova BiH (naš najznačajniji amandman koji je usvojen i ugrađen u izmjene i dopune Zakona odnosi se na obavezu državnih tijela na svim nivoima organizacije vlasti i tijela lokalne samouprave da osiguraju zastupljenost od 40% jednog od polova u upravljanju, procesima odlučivanja i predstavljanju);
12. Učešće u pripremi Gender akcionog plana BiH;
13. Koordinacija i izrada Alternativnog izvještaja o implemtaciji CEDAW i stanju ženskih ljudskih prava u BiH 2010. godine (izvještaj je predstavljen Komitetu CEDAW u Ženevi u julu 2013) i 2016;
14. Iniciranje i izrada (u saradnji sa ženskim nevladinim organizacijama u BiH) Platforme ženskih prioriteta za ustavne promjene sa amandmanima na Ustav BiH iz rodne perspektive (2013). Amandmani su upućeni kolegiju Zastupničkog doma Parlamentarne skupštine BiH na razmatranje;

15. Dostavljanje amandmana na Porodični zakon RS s ciljem definisanja kategorije samohrani roditelj u zakonskom tekstu u skladu sa realnim stanjem na terenu i potrebama samohranih roditelja, te iniciranje da se u RS uspostavi Alimentacioni fond (izmjene i dopune Porodičnog zakona još nisu ušle u skupštinsku proceduru);
16. Potpisivanje Memoranduma o saradnji sa Zavodom za zapošljavanje RS s ciljem poboljšanja položaja samohranih majki na tržištu rada (potpisan u junu 2012);
17. Učešće u "Globalnom monitoringu medija 2005 (GMMP)", u kojem je, pored BiH, učestvovalo 75 zemalja iz cijelog svijeta;
18. Kao članica Koalicije nevladinih organizacija BiH "Raditi i uspjeti zajedno" učestovali smo u izradi "Sporazuma o saradnji između Vijeća ministara Bosne i Hercegovine i nevladinog sektora u BiH", "Strategije razvoja nevladinog sektora u BiH", "Kodeksa za nevladin sektor u BiH" i "Standarda kvaliteta usluga između Vijeća ministara BiH i nevladinog sektora u BiH".
19. Ustanovljavanje novinarske nagrade "Srđan Aleksić" za profesionalno i angažovano izvještavanje o marginalizovanim grupama u BiH (od 2011 organizovali smo tri ceremonije dodjele novinarskih nagrada, a od septembra 2013. godine nagrada je "vlasništvo" Mreže za izgradnju mira BiH);
20. Ustanovljavanje Ženske političke akademije za mlade žene iz političkih partija i organizacija civilnog društva (početkom 2014 upisana je II generacija polaznica);
21. Iniciranje i osnivanje Ženske alternativne vlade BiH kao neformalnog tijela na političkoj sceni BiH (Vlada je zvanično promovisana u jesen 2012);
22. Nominacija Slađane Ujić, članice Ženske alternativne vlade BiH i predsjednice udruženja SNOP iz Rogatice za "Nagradu za žensku kreativnost u ruralnom životu" (Slađana Ujić je prva žena iz BiH koja je dobila ovu značajnu nagradu i priznanje);
23. Umrežavanje i jačanje kapaciteta najmanje 100 organizacija civilnog društva u BiH, kroz edukacije i podjelu malih grantova;
24. Izbor da obavljamo funkciju sekretarijata Mreže za izgradnju mira;
25. Koordinirajuća organizacija Inicijative Građanke za ustavne promjene 2014-2018 koja okuplja 36 organizacija i pojedinki;
26. Kao svoja postignuća naveli bismo i brojna istraživanja i analize na kojima smo radili, što je rezultiralo objavljivanjem 38 publikacija koje su dostupne na našem web sajtu. Prema dostupnim serverskim podacima najveći broj posjeta web sajtu organizacije odnosi se upravo na rubriku Publikacije i preuzimanje (download) dostupnih publikacija.
27. Posjedovanje biblioteke sa preko 2000 naslova u oblasti ženskih ljudskih prava, nasilja/nenasilja, prava, filozofije, političkih nauka, LGBT, ljudskih prava, koji se mogu iznajmiti i služe kao resursi za analize i pisanje naučno istraživačkih radova u društvenim oblastima.
28. Kroz neformalnu koaliciju nevladinih organizacija podržali smo pripremu i pisanje Izvještaja u sjeni o napretku BiH za 2013, 2014, 2015. i 2016. godinu.
29. Pokrenuli web platformu www.ukljuci.in posvećenu osobama sa invaliditetom.
30. Pokrenuli web stranicu <http://ukljuciseu.org/> koja se bavi procesom EU integracija iz rodne perspektive.

Programsko područje:

Jačanje civilnog društva i transformacija javne vlasti u servis građana

Ciljevi ovog programskog područja su izgradnja i jačanje demokratije kroz podizanje svijesti građana o demokratskim principima i procesima, ohrabrivanje građana da pokreću različite inicijative i učestvuju u donošenju odluka na svim nivoima vlasti. Kroz različite aktivnosti u okviru ovog programskog područja nastojimo uspostaviti što bolju saradnju između građana i institucija vlasti.

U okviru programskog područja u 2017. godini radili smo na više projekata: "PRO Budućnost", regionalnom projektu „RetroAKTIVA“, te projektima „(O)živimo javne prostore“, „Foto glasovi za mir“ i „Monitoring i izvještavanje o korupciji u oblasti obrazovanja“.

PRO BUDUĆNOST - Pomirenje, Razumijevanje, Odgovornost za budućnost

Chatolic relief service (CRS), u partnerstvu s Fondacijom Mozaik, Caritasom Biskupske konferencije Bosne i Hercegovine, Forumom građana Tuzla i Helsinškim parlamentom građana iz Banja Luke, provodio je četverogodišnji projekat s ciljem izgradnje pomirenja i povjerenja među građanima svih etničkih skupina u Bosni i Hercegovini. Cilj projekta je da građani BiH, ohrabreni ključnim društvenim akterima, zagovaraju za društvene promjene.

PRO Budućnost djeluje u više od 60 opština i gradova s ciljem izgradnje mira unutar i među zajednicama, koje su podijeljene po entiteskim linijama. Poseban fokus je na mladim ljudima, ženama i manjinama koji imaju priliku učestvovati u treninzima, mirovnim kampovima i konferencijama i drugim događajima da bi se do najveće moguće mjere povećao uticaj ovih grupa na društvene promjene i izgradili čvrsti temelji za pomirenje.

Projekat PRO Budućnost koji se finansira od strane USAID-a, je počeo u oktobru 2013. godine i završio u septembru 2017. Odmah nakon završetka počela je implementacija, novog petogodišnjeg Pro-Budućnost II projekta sa istim ciljevima.

AKTIVNOSTI

Živa Biblioteka

Tokom 2017. godine u sklopu projekta Pro-Budućnost, između marta i maja, urađeno je osam „Živih biblioteka“ u osam različitih gradova u Bosni i Hercegovini, na kojima je učestvovalo oko 230 učesnika, uglavnom učenika/ica srednjih škola, i to iz Modriče, Odžaka, Bugojna, Jablanice, Kozarske Dubice, Prijedora, Novog Grada i Bosanske Krupe. Učesnici su imali priliku da kroz ovu aktivnost razgovaraju sa sedam „živih knjiga“, i to sa samohranom majkom, žrtvom porodičnog nasilja i slijepom osobom, ratnim veteranom, pripadnikom porodica nestalih, djevojkom koja je preživjela smrtonosnu bolest, mirotvorcem, sestrom koja je izgubila brata i povratnicom. Žive biblioteke su imale za cilj da se kroz otvoren razgovor između čitalaca i knjiga, čitaoci upoznaju sa tamnom stranom rata i što je veoma važno sa žrtvama koje dolaze iz drugih naroda, prema kojima vladaju predrasude.

Takmičenja za škole

U sklopu projekta, ali kao zajednička aktivnost Mreže za izgradnju mira i projekta Pro-Budućnost urađena su takmičenja za osnovne i srednje škole za najbolje fotografije povodom 8. marta Dana žena i za najbolje likovne radove povodom 9. maja - Dana pobjede nad fašizmom i Dana Evrope. Za takmičenje povodom obilježavanja 8. Marta, pod nazivom „Kojeg je roda mir?“ dobili smo 145 fotografija od koji su po tri najbolje iz kategorija osnovnih i srednjih škola bile novčano nagrađene.

Na takmičenje pod nazivom „Šta za vas znači 9. maj?“ dobili smo preko 400 likovnih radova iz više od 100 škola. Mnoge škole su organizovale interna takmičenja, vršile selekciju i poslale najbolje radove. Nagrađena su po četiri rada iz kategorija osnovnih i srednjih škola, a organizovana je i izložba u Sarajevu gdje su posjetioци Centra za zdravo starenje mogli da vide 45 odabranih radova. Izložba je otvorena 9. maja u sklopu čega je organizovan i okrugli sto sa istim nazivom.



Sarajevo, 09.05.2017. Okrugli sto i izložba pod nazivom „Šta za vas znači 9. maj?“

Novinarska nagrada Srđan Aleksić

Dobitnici novinarske nagrade "Srđan Aleksić" za 2017. godinu su Milan Račić sa portala tačno.net iz Mostara, kome je pripala prva nagrada za profesionalno izvještavanje. Druga nagrada je dodijeljena novinaru Mirzi Sadikoviću s Televizije Unsko-sanskog kantona, a treća novinarki Ani Kotur za tekstove na portalu buka.com, dok je Specijalna plaketa "Srđan Aleksić" pripala novinaru Al Jazeera Balkans, Sanelu Kajanu.

Ova prestižna nagrada dodijeljena je, po sedmi put, na svečanosti upriličenoj na Međunarodni dan mira 21. 09. 2017. u Umjetničkoj galeriji Bosne i Hercegovine, čije su sudionike pozdravili direktorica Ureda za demokratizaciju pri Misiji USAID-a u BiH, Shanley Pinchotti, savjetnik načelnika sarajevske opštine Centar Mustafa Resić i Majda Behram Stojanov, direktorica USAID-ovog projekta „Povjerenje, razumijevanje, odgovornost za budućnost“.

Ove godine je na konkurs za dodjelu nagrada pristiglo ukupno 19 prijedloga nevladinih organizacija, koje su nominovale novinare/ke i emisije za koje su ocijenili da promovišu profesionalno izvještavanje i doprinose afirmaciji društveno odgovornog novinarstva u BiH. Nominovani su bili: Almir Panjeta,

Dokumentarni program BHRT, Džana Brkanić, Maja Isović, Goran Morić, Anđa Ilić, Mirela Savić, Maja Nikolić, Snježana Aničić, Hilma Unkić, Mirsad Čukle, Dženita Duraković i Jelena Borjan.

Nagradu dodjeljuje Mreža za izgradnju mira uz podršku USAID-ovog projekta PRO-Budućnost, koji provodi Catholic Relief Services sa partnerima.

Novinarsku nagradu "Srđan Aleksić" ustanovili su 2010. godine nevladine orgnaizacije Helsinški parlament građana Banjaluka, Fondacija Cure iz Sarajeva i Udruženje mladih novinara Republike Srpske, a nagrada je 2013. godine postala dijelom Mreže za izgradnju mira BiH. Nagradu u posljednjih pet godina podržava projekat PRO-Budućnost.



Svečana dodjela Novinaraske nagrade Srđan Aleksić, Umjetnička galerija, Sarajevo, 21.09.2017.

MREŽA ZA IZGRADNJU MIRA

Mreža za izgradnju mira je uspostavljena 10. februara 2010. godine i okuplja više od 120 organizacija civilnog društva i 19 škola iz cijele Bosne i Hercegovine.

Mreža za izgradnju mira je proistekla je iz potrebe za zajedničkim djelovanjem u cilju podizanja kvaliteta društvenog i ekonomskog života u BiH, kao i za dugoročnim povećanjem sposobnosti cijelog društva da se nosi s naslijeđem naše nedavne istorije, s različitostima, te latentnim ili otvorenim sukobima na konstruktivan i nenasilan način.

Tokom 2017. godine Mreža za izgradnju mira je organizovala niz aktivnosti i inicijativa od kojih izdvajamo:

Obilježavanje Dana žena: Mreža za izgradnju mira, Ženska Mreža BiH, Inicijativa Građanke za ustavne promjene, zajedno sa svojim članicama, ali i drugim nevladinim organizacijama i školama je i ove godine obilježila, od 6. do 10. marta, **Sedmicu ženske solidarnosti i izgradnje mira**, pod simboličnim nazivom „**Kojeg je roda mir?**“. Organizivano je 79 aktivnosti u 20 gradova i mjesta: Banja Luka, Bihać, Bijeljina, Bratunac, Doboj Istok, Gračanica, Humci, Kakanj, Maglaj, Međiđa Donja – Gradačac, Modriča, Mostar, Odžak, Pazarić, Prnjavor, Sarajevo, Tuzla, Visoko, Vitez i Zenica.

Generalna Skupština: U Sarajevu je 19. i 20. maja održana Generalna skupština Mreže za izgradnju mira BiH. Na Skupštini, na kojoj je prisustvovalo 50 organizacija članica, predstavljen je godišnji izvještaj o radu Mreže, te glavna saznanja i preporuke sadržane u Izvještaju o procjeni rada i budućnosti Mreže koji je uradio nezavisni konsultant Christan Pfeifer. Članice Mreže su na Skupštini odlučivale u kom pravcu će se Mreža dalje razvijati, da li je potrebno registrovati Mrežu kao posebno pravno lice, te o tekućim pitanjima i aktivnostima Mreže.

Obilježavanje Dana mira: Mreža i njene članice su i ove godine obilježile Sedmicu mira koja je trajala od 21. septembra do 2. oktobra 2017. Centralni događaji su bili svečana dodjela Novinarske nagrade „Srđan Aleksić“ koja je organizovana u Umjetničkoj galeriji BiH u Sarajevu 21. 09. 2017. godine. U okviru obilježavanja Dana mira pokrenuta je kampanja „Zlo(upotreba) memorijalizacije u javnom prostoru“ sa konkretnom akcijom sprečavanja izgradnje spomenika u obliku tenka ispred Druge gimnazije u Sarajevu, kao i inicijativom za preimenovanje Studentskog doma na Palama koje nosi ime Radovana Karadžića.

Direktorijum donatora. Publikovano je 11. izdanje Direktorijuma donatora u kome možete pronaći informacije o 574 donatora i poziva za projekte sa uredima donatora u BiH i/ili svijetu, a koji finansiraju aktivnosti u BiH i/ili regionu. Što je značajno za ovaj direktorij je da organizacije civilnog društva na jednom mjestu mogu pronaći informacije o različitim programima, aktivnostima i geografskom području koje određeni donatori finansiraju, rokovima za prijave, kriterijima podobnosti, načinima apliciranja i kako ostvariti kontakt.

Dan ljudskih prava. Međunarodni dan ljudskih prava i ove godine je obilježen u Parlamentu BiH, sa više od 500 učesnika/ica, pretežno srednjoškolaca/ki iz Sarajeva. Pored njih, svečanost su uveličali i

ambasadorica Njemačke, Christiane Hohman, i ambasador Kraljevine Švedske, Anders Hagelberg, koji su dodijelili ovogodišnje Mirovne nagrade, zamjenik šefa misije Ambasade Japana, Akihito Teruuchi, počasni konzul Albanije, zamjenici ambasadora Austrije, Malezije i Grčke, kao i predstavnice Hrvatske ambasade i Agencije za ravnopravnost polova BiH.

Pored bogatog kulturno-umjetničkog programa, najzaslužnijim su dodjeljene Mirovne nagrade za 2017. godinu.

U kategoriji individua nagradu je dobila doktorica **Aiša Smailbegović-Hadžihalilović** iz Zenice. U kategoriji škola dobitnica je bila **Osnovna škola Osman Nuri Hadžić iz Sarajeva**. **Specijalna nagrada** Mreže za izgradnju mira je dodijeljena **mladima iz Jajca**, učenicama i učenicima Srednje strukovne škole Jajce. Nominirano je bilo 12 osoba i 15 škola.



Mirovni kalendar. Krajem godine publikovan je novi Mirovni kalendar za 2018. godinu, u tiražu od 500 primjeraka. Mirovni kalendar, koji je nastao u saradnji sa učesnicima/ama projekta „Foto glasovi za mir“, distribuiran je svim članicama i školama, institucijama, donatorima i prijateljima Mreže.

Monitoring primjene Strategije za borbu protiv korupcije u obrazovnim institucijama

Uz podršku Account mreže Helsinški parlament građana je zajedno sa partnerima (Reserušni centar Brčko, Centar za razvoj civilnog društva Doboj, Centar za pravnu pomoć Zenica i Perpetuum mobile Banjaluka), od sredine jula mjeseca pa do kraja 2017, radio na monitoringu primjene Strategije za borbu protiv korupcije u oblasti obrazovanja. Kreirana su tri različita upitnika koja su se ticala uvođenja programa Etika i antikorupcija u škole, uvođenja antikoruptivnih tijela i procedura i upitnik koji je tretirao žalbe na upis u srednje škole i fakultete.

Monitoring je obuhvatio 111 srednjih škola, 117 fakulteta i univerziteta i 25 institucija. Odgovori su dobijeni od 41 srednje škole, 22 fakulteta i 3 univerziteta, te 18 institucija, te je na osnovu podataka urađena analiza i napravljeni zaključci.

Cjelokupan proces monitoringa je pokazao dosta kontradiktornosti, kao i nevoljnost institucija da odgovaraju na ovakvu vrstu pitanja. Primjećeno je i to da li će institucije odgovoriti ili ne i kakav će biti kvalitet odgovora umnogome zavisi od pojedinaca, a ne od same ustanove. Zaključak je da se slabo provodi državna Strategija za borbu protiv korupcije u oblasti obrazovanja kada je u pitanju uvođenje programa Etika i antikorupcija, ali ohrabruje svjesnost kod institucija da su ovi programi neophodni. Takođe, jako mali broj škola i institucija ima razvijen sistem za prijavu korupcije i jako mali broj škola i institucija imaju uvedene antikoruptivne timove i procedure. Pozitivno je što većina škola ima godišnje planove nabavki i imaju procedure za provođenje istih.

U budućnosti je potrebno razvijati online sisteme za prijavu korupcije, jer se pokazalo da institucije koje posjeduju online aplikacije bilježe slučajave prijave korupcije.

RETROAKTIVA

U Zagrebu je 13. aprila, u okviru regionalnog projekta „RETROaktiva“, organizovana regionalna konferencija *“U potrazi za Građankom/Građaninom - vremeplov aktivističkih i umjetničkih praksi”* koja je objedinila više stvari: tematske tribine na kojima se diskutovalo o građaninu/ki kao političkom subjektu u predratnom, ratnom i poslijeratnom vremenu, nezavisnoj kulturi, civilnom društvu i medijima; interaktivni performans *“Never Again. Never. Again?”* bosanske umjetnice Elme Selman, otvorenje izložbe *„Otpor, pokret, promjena: fragmenti aktivističkih i umjetničkih praksi od kasnih 80-ih”*, monodramu *„Postdiplomsko obrazovanje”*, Glazbenu aktivističku slušaonicu Ilka Čulića, te obilježavanje 20-godišnjice postojanja i rada udruženja GONG.

Svrha konferencije koja je okupila veliki broj aktivista, umjetnika i novinara iz cijelog regiona bila je afirmisati, ali i propitati tradiciju aktivizma i umjetničkog stvaralaštva u osporavanju i preoblikovanju dominantnih političkih, kulturnih i društvenih matrica u postjugoslavenskom prostoru, obilježenom konfliktima, siromaštvom, devastacijom javnih dobara, nepovjerenjem i dubokim podjelama.



Realizacija projekta „RETROaktiva“, podržanog od programa Evropa za građane, počela je krajem 2016. Cilj projekta je bio mapirati i predstaviti najznačajnije građanske i kulturne inicijative i akcije u zemljama bivše Jugoslavije od 80-tih do danas, koje su bile usmjerene protiv politika isključivanja, rata i nasilja. Pored udruženja GONG iz Hrvatske, kao nosioca, kao partneri na projektu su učestvovali ANIMA iz Crne Gore, Centar za kulturnu dekontaminaciju iz Srbije, CIVIL iz Makedonije, Helsinški parlament građana iz Bosne i Hercegovine i „Kurziv“ i Domino iz Zagreba.



"Kada smo počeli prikupljati materijale za izložbu pod nazivom Otpor, pokret, promjena: fragmenti aktivističkih i umjetničkih praksi u regiji od 1980-ih na ovamo, bili smo svjesni da neće biti moguće prikazati sve odlučujuće događaje koji su oblikovali tranzicijska društva u zemljama nastalim raspadom bivše Jugoslavije. Činilo nam se stoga uputnije promatrati izložbu kao fragment povijesti umjetničkih i aktivističkih praksi, ali zajedničke povijesti turbulentnog postjugoslavenskog prostora, čiji građani kao politički subjekti nastaju na razmeđu autokratske države koja odumire i liberalne demokracije koja se nije rodila. Uz mirovni aktivizam, antiratnu kampanju i kampanje zaštite okoliša, borbu za širi spektar ljudskih prava te osiguravanje stabilnog političkog sustava, izložba obuhvaća i dokumentaciju borbe za javne prostore i javna dobra u regiji, te markira prijelaz između kontinuiteta nastojanja civilnih aktera od 1980-ih i nekog novog pogleda na ono što smatramo zajedničkim. Na izložbi smo obuhvatili tek fragmente tih praksi, no vjerujemo da smo pomnim odabirom dokumenata vremena, video arhive i umjetničkih radova iz cijele regije uspjeli istaknuti upravo proces koji ih je obilježio: otpor, pokret i nagovještaje promjene."

Udruženje Kurziv o izložbi

(O)ŽIVIMO JAVNE PROSTORE

Helsinški parlament građana Banja Luka je u periodu od 1. aprila do 15. novembra 2017. realizovao projekat „(O)živimo javne prostore“ koji je podržala njemačka fondacija „Heinrich Böll“, u čijem fokusu je bilo mapiranje javnih dobara u vlasništvu grada, analiza dosadašnje prakse izdavanja javnih prostora i predstavljanje modela koji su već razvijeni u regionu i Evropi, a tiču se alternativnog korištenja mahom zapuštenih ili devastiranih urbanih područja. Pored toga, cilj projekta je bio istražiti postoji li mogućnost da se kasarne i drugi slični objekti koji se godinama ne koriste, koji su zapušteni ili za koje nema interesa investitora, ustupe nevladinim organizacijama, umjetnicima i socijalnim preduzetnicima na privremeno korištenje i upravljanje.

U sklopu projektnih aktivnosti formirana je Radna grupa, a kao jedan od prvobitno predviđenih zadataka Grupe bio je mapiranje potencijalnih „slobodnih“ ili neiskorištenih javnih prostora u Gradu.

U međuvremenu i po prvi put od završetka rata, Banjaluka je dobila Odsjek za evidenciju i upravljanje nepokretnom imovinom grada. Jedan od glavnih zadataka ovog odsjeka je formiranje javnog registra svih nepokretnosti u vlasništvu grada. S obzirom na ovu činjenicu, posao mapiranja prostora je ostavljen Odsjeku, a Radna grupa se fokusirala na druge segmente koji se tiču korištenja materijalnih, fizičkih dobara u vlasništvu lokalne zajednice. Članovi radne grupe su tako istražili koje pravne korake neko fizičko ili pravno lice treba preduzeti ako želi od Grada dobiti prostor na korištenje i koliko to košta; zatim su istražili alternativne modele upravljanja javnom imovinom i primjere dobre prakse iz regiona i Evrope; a jedan od njihovih zadataka bio je i da ispituju pravno-vlasnički status 10 mapiranih objekata u širem centru Banjaluke. Rezultati do kojih su došli predstavljeni su u publikaciji „(O)živimo javne prostore“ koja je, osim u štampanoj, dostupna i u pdf formatu na web sajtu Helsinškog parlamenta građana - <http://hcabl.org/wp-content/uploads/2017/10/Javni-prostori.pdf>



Prva prezentacija publikacije organizovana je 10. oktobra u Muzičkom paviljonu Petar Kočić u Banjaluci. Iza toga su uslijedile još dvije prezentacije na kojima smo javnosti (građanima) поближе predstavili problematiku korišćenja javnih prostora Grada Banja Luka.

“Od oktobra 2016.godine, u okviru Odjeljenja za ekonomski razvoj i strateško planiranje grada Banjaluka, djeluje i Odsjek za evidenciju i upravljanje nepokretnom imovinom Grada Banjaluka čiji zadatak je formiranje registra svih javnih nepokretnosti. Na ovaj način Banjaluka bi konačno trebalo da dobije precizan registar kompletne nepokretne imovine kojom raspolaže grad, što će olakšati planiranje i upravljanje ovom imovinom, ali će i preduprijeti moguće zloupotrebe ili manipulacije. Prema podacima koje smo dobili od Odjeljenja za lokalni ekonomski razvoj i strateško planiranje, u registar gradskih nepokretnosti, do 18. Avgusta 2017., unijeti su podaci za:

- 378 stanova, od kojih su 348 u kategoriji neotkupljenih stanova, deset su zamjenski, a 20 ih je namijenjeno za socijalne potrebe;
- 300 poslovnih prostora, od kojih je 150 namijenjeno za potrebe Grada, a 150 za prodaju ili zakup;
- 545 garaža;
- 12 poslovnih zona i 3 poslovna objekta.

Od ostalih objekata, u registar su unijeti podaci i za 12 društvenih domova, 7 javnih skloništa, 26 kancelarija mjesnih zajednica i jednu ambulantu, koji su u vlasništvu Grada. Popisane su i 3253 zemljišne lokacije (građevinsko, poljoprivredno i šumsko zemljište), kao i 2 parka, 5 trgova, 60 parkirališta, 10 mostova, 8 fontana, 9 dječijih igrališta i jedan heliodrom.

U registar su, do 18.avgusta, pohranjeni podaci i za 31 zatvoreni i 13 otvorenih sportskih objekata, 22 vrtića i jedan vjerski objekat u gradskom vlasništvu. Vrijednost do sada popisane imovine procijenjena je naviše od 450 miliona maraka”.

Preuzeto iz publikacije “(O)Živimo javne prostore”

FOTO GLASOVI ZA MIR

O projektu:

U junu 2017. godine Helsinški parlament građana Banja Luka je započeo realizaciju projekta „Foto glasovi za mir“, koji je podržan od strane Američke ambasade u Bosni i Hercegovini, u sklopu programa malih interetničkih grantova (Inter-ethnic Small Grant Program). Projekat ima za cilj stvaranje prostora za umrežavanje, saradnju i zajedničke aktivnosti mladih ljudi usmjerene ka promociji interetničkog razumijevanja i dijaloga. Pored organizacije kampova, projekat će obuhvatiti i izložbe fotografija na temu održivog mira, koje će nastati kao rezultat edukativnih radionica.

Realizovane aktivnosti:

U sklopu projekta „Foto glasovi za mir“ u toku 2017. godine organizovana su tri „Boot kampa za mlade lidere/ice“. Kampovi su obuhvatali radionice na temu liderstva, komuniciranja, pomirenja, stereotipa i predrasuda i radionice fotografije, po specifičnoj photo-voice metodologiji koja predviđa upotrebu fotografije za svrhe zagovaranja promjena u lokalnoj zajednici. Učesnici kampova su bili srednjoškolci/ke od 16 do 19 godina iz lokalnih zajednica: Doboje, Doboje Istok, Doboje Jug, Maglaj, Usora, Modriča, Gradačac, Šamac, Domaljevac, Odžak.

Prvi kamp, organizovan na planini Ozren kod Doboja, okupio je 17 mladih ljudi iz Doboja, Maglaja, Usore, Doboja Juga i Doboja Istoka. Drugi kamp sa 15 učesnika/ica smo organizovali u Riječanima kod Modriče, a treći u etno selu „Kotromanićevo“, sa 22 mladih ljudi iz svih targetiranih lokalnih zajednica. Jedan od zadataka na sva tri kampa bio je osmišljavanje i pravljenje fotografija na temu održivog mira.



Učesnici/e drugog Boot kampa u toku radionice, Riječani, august 2017.

Nakon završenih kampova, učesnici/e su imali zadatak da pošalju fotografije na temu: „Održivi mir u vašim sredinama“. Nakon okončanja trećeg kampa, nezavisna komisija, sastavljena od 2 predstavnika/ce iz nevladinog sektora i 2 predstavnika/ce lokalnih zajednica iz kojih dolaze učesnici/ce je izvršila odabir 12 fotografija koje su ušle u Mirovni kalendar Mreže za izgradnju mira za 2018. godinu.



Mirovni kalendar 2018 je dostupan na sajtu Mreže za izgradnju mira: <http://www.mreza-mira.net/vijesti/aktivnosti-mreze/mirovni-kalendar-2018/>

Planirane aktivnosti u 2018:

- Organizacija “Boot kampa za mlade lidere/ice IV”
- Organizacija izložbi fotografija sa kampova u četiri lokalne zajednice: Gradačac, Modriča, Doboj i Maglaj
- Finalna izložba fotografija u Banjaluci

Programsko područje:

Zalaganje za rodnu jednakost

Opšti cilj programskog područja je smanjenje svih oblika rodne diskriminacije i stvaranje okruženja u kojem žene i muškarci imaju jednake mogućnosti. Realizujemo ga kroz umrežavanje i podršku inicijativama u vezi sa rodnim pitanjima, osnaživanje žena koje su trenutno najveća marginalizovana grupa za učešće u javnom i političkom životu, edukaciju žena i muškaraca o pitanjima rodne jednakosti, treninge za žene u razvijanju različitih vještina, kampanje, istraživanja i analize javnih politika.

U okviru programskog područja u 2017. godini radili smo na projektima „Orodnjavanje ustavnih promjena II“, „Ženska ljudska prava u BiH i EU integracije“, „Budi lider/ka 21. vijeka “ i na partnerskom projektu „Mir sa ženskim licem“.

ORODNJAVANJE USTAVNIH PROMJENA

Inicijativa Građanke za ustavne promjene je nastavila intenzivno zagovarati za ustavne promjene, uključivanje žena u sve političke procese i uključivanje rodne perspektive u Ustav BiH kroz projekat “Orodnjavanje ustavnih promjena II” koji je počeo 1. januara 2017. godine i trajaće do 31. decembra 2018.

Realizovane aktivnosti tokom 2017. godine:

- **Druga Skupština Inicijative** (Banja Luka, 23. i 24. februar 2017) je bila prilika da članice sumiraju i evaluiraju rezultate rada Inicijative u prethodnih 18 mjeseci i izaberu novi sastav Koordinacionog odbora. Helsinški parlament građana je reizabran za koordinirajuću organizaciju Inicijative i tu funkciju obavljaće i u naredne dvije godine.



- **Koordinacioni odbor Inicijative** je imao dva sastanka (u Mrkonjić Gradu i Vitezu) koja su rezultirala dopunom dokumenata koji se tiču procedura kandidovanja novih amandmana u Platformu ženskih

prioriteta sa amandmanima na Ustav BiH, kao i obaveza i odgovornosti članica Inicijative koje u ime Inicijative apliciraju za projekte.

- **Redefinisanje amandmana Platforme ženskih prioriteta sa amandmanima na Ustav BiH** – Na osnovu prethodne analize ustavni ekspert je uradio određene intervencije Platforme u smislu pravnog poboljšanja sadržaja amandmana i obrazloženja amandmana. Sadržaj Platforme je, u krajnjem, ostao isti, ali je Platforma sada jasana, nomotehnički uslađena i utemeljena.

- **Saradnja Inicijative sa tri medijske kuće** (www.6yka.com, www.slobodnaevropa.org i www.radiosarajevo.ba) rezultirala je objavljivanjem 21 teksta i radio priloga čije su teme bile direktno ili indirektno u vezi sa diskriminacijom i nedostacima u Ustavu BiH koji utiču na svakodnevne živote građana i građanki Bosne i Hercegovine.

- Zalaganje i rad članica Inicijative na orodnjavanju Ustava putem zalagačkih akcija je premašio sva očekivanja što potvrđuje broj realizovanih aktivnosti predviđenih **Akcionim planom 2016 - 2017**. Ovim planom je bila predviđena realizacija ukupno 24 aktivnosti tokom dvije godine, a realizovano je čak 62 (2,5 puta više od planiranog!) u kojima je direktno učestvovalo više od 12 400 osoba iz 25 bh. gradova. Realizujući različite vrste događaja Inicijativa je postala bogatija za 457 podržavatelja i podržavateljica.

Tokom realizacije Akcionog plana u 2017. godini radne grupe Inicijative su realizovale ukupno 23 aktivnosti:

1. **Radna grupa za lobiranje i zalaganje** je realizovala 8 sastanaka sa parlamentarcima/kama, predstavnicama političkih partija i relevantnim tijelima na državnom nivou.
2. **Radna grupa za medijsko predstavljanje** je realizovala 5 aktivnosti u okviru kojih su urađeni i objavljeni intervjui sa pravnim ekspertima iz regiona, organizovane pres konferencije i uspostavljena saradnja sa medijskim kućama.
3. **Radna grupa za predstavljanje u javnosti** je realizovala 10 aktivnosti, mahom uličnih akcija i okruglih stolova u Banjaluci, Sarajevu, Tesliću, Bosanskoj Krupi, Bosanskom Petrovcu, Prnjavoru, Bosanskom Grahovu, Doboju, Tuzli i Gradišci.

- Članice Inicijative su kreirale i **novi Akcioni plan za 2018. i 2019. godinu** kojim se predviđa realizacija 25 aktivnosti kojima će se nastaviti zalaganje za ustavne promjene iz rodne perspektive.

- Objavljen je **“Vodič kroz Ustav od Ž(ena) do A(mandmana)”** čiji je cilj “demistifikovati” Ustav BiH i približiti ga građanima i građankama na jednostavan i razumljiv način. Kroz 30 slova abecede obrađeni su pojmovi koji se tiču Ustava BiH, a putem kojih su Ustav i njegovi nedostaci objašnjeni na zanimljiv i pristupačan način. Publikacija je dostupna na:

https://gradjankezaustavnepromjene.files.wordpress.com/2017/09/vodic-z_a.pdf

- Članice Inicijative su dale doprinos pisanju **Alternativnih odgovora na EU Upitnik** (http://hcabl.org/wp-content/uploads/2017/09/alternativni-odgovori_ENG.pdf)

- Na blogu Inicijative je nastavljeno objavljivanje informacija i sadržaja koji se tiču aktivnosti Inicijative, procesa ustavnih promjena i problema koji proizilaze iz nedostataka u Ustavu BiH. Objavljeno je ukupno 98 tekstova koji su doveli do kontinuiranog povećanja broja posjeta na blogu i društvenim mrežama.

Planovi za 2018:

- Organizacija i realizacija IV Konferencije Inicijative
- Sastanci Koordinacionog odbora Inicijative
- Monitoring i učešće u izradi alternativnih izvještaja
- Realizacija Akcionog plana 2018-2019
- Kontinuirano informisanje javnosti o aktivnostima i planovima Inicijative
- Nastavak saradnje sa medijskim kućama

ŽENSKA LJUDSKA PRAVA I EU INTEGRACIJE II

Helsinški parlament građana nastavio je u 2017. sa realizacijom projekta “Ženska ljudska prava i EU integracije II” čiji je glavni cilj integrisati ženska ljudska prava i ravnopravnost polova u procese pristupanja Bosne i Hercegovine Evropskoj uniji. Projekat je finansiran od strane švedske fondacije Kvinna Till Kvinna i realizuje se u periodu od 1. januara 2017. do 31. decembra 2018. godine.

U toku 2017. godine implementirali smo sljedeće aktivnosti:

- **Sastanci Lobi grupe** na kojima su članice ovog neformalnog tijela diskutovale o različitim temama koje su se ticale jačanja političkog učešća žena sa fokusom na učešće žena u izvršnoj vlasti i učešće žena u vladajućim tijelima političkih partija; reproduktivnih prava žena; pomirenja privatnog i profesionalnog života; nasilja prema ženama i procese pomirenja. Bilo je puno diskusije među članicama Lobi grupe o EU standardima u oblastima rada, zapošljavanja i socijalne zaštite i potrebi za uskladjivanjem sa tim standardim u Bosni i Hercegovini (npr. osiguranje, aktuarski faktori, promet dobara i usluga, platni jaz među polovima).
- **Tri javna foruma:**

Prvi forum je održan 9. maja u saradnji sa Fondacijom Fridrich Ebert i sa Klubom studenata Fakulteta političkih nauka Banja Luka, a na forumu je ambasador Švedske u BiH Anders Hagelberg govorio o EU integracijskim procesima iz perspektive svoje države, sa specijalnim fokusom na švedsku feminističku spoljnu politiku.

Drugi forum je održan 3. juna i organizovan je kao dio prvog feminističkog festivala u Banja Luci – BLASFEM. Tema foruma je bila „Materinstvo na evropskoj semi-periferiji u eri neoliberalnog kapitalizma“.

Treći forum je organizovan u okviru studentskog modela Ujedinjenih Nacija u Banja Luci 21. oktobra u saradnji sa Klubom studenata Fakulteta političkih nauka Banja Luka u Narodnoj Skupštini Republike Srpske. Tema je bila: UN-EU-BiH modeli donošenja odluka i u potpunosti je bio realizovan od strane mladih sa učešćem generalne sekretarke studentskog modela Ujedinjenih Nacija, Milene Nikolić, i jedne od volonterki Helsinškog parlamenta građana Banja Luka, Snežane Zorić, koja je govorila o modelima donošenja odluka na nivou Evropske Unije.



Treći javni forum, održan u sklopu studentskog modela Ujedinjenih Nacija, 21. 10. 2017, Banja Luka

1. Treninzi izgradnje kapaciteta organizovani su kao dio Strateškog planiranja za članice Inicijative za monitoring EU integracija u BiH. Cilj ovih treninga je bio izrada plana aktivnosti usmjerenih ka EU akterima i BiH institucijama u kontekstu pridruživanja Bosne i Hercegovine Evropskoj uniji, kao i usaglašavanje metodologije i načina pripreme i izrade alternativnih odgovora i alternativnih mišljenja o napretku BiH na putu evropskih integracija.

- **Uspostavili smo on-line platformu** <http://ukljuciseu.org/>

Online resursna web platforma ukljuciseu.org koja je pokrenuta u aprilu, predstavlja informativni i resursni portal o EU integracijskim procesima sa specifičnim fokusom na ženska ljudska prava. Platforma sadrži informacije, publikacije i ključne analize o EU rodnom dokumentima, informaciju o hronologiji BiH integracijskih procesa ka EU i redovno se ažurira relevantnim vijestima koje se tiču procesa pridruživanja BiH Evropskoj uniji.

- **Otvorili smo poziv za volontiranje na projektu**

6 novih volontera se uključilo u projekat, a neki od njih su dali i svoje pisane doprinose u vidu analiza za portal ukljuciseu.org. Njihovi radovi su dostupni na sajtu u sekciji BiH u EU - Relevantne analize i dokumenti : <http://ukljuciseu.org/bih-u-eu/relevantni-dokumenti/>

- **Sastanci sa predstavnicima/ama Evropske unije**

Tokom 2017. godine imali smo niz sastanaka sa predstavnicima/ama Evropske unije u Bosni i Hercegovini kao i sa ključnim akterima/cama u procesu Evropskih integracija, kojima smo predstavili aktivnosti na našem projektu, razmijenili primjere dobre prakse, te zagovarali za rodnu perspektivu u EU integracijama. Takođe smo učestvovali i na drugim konferencijama i sastancima

koji su imali za cilj diskusiju između organizacija civilnog društva, domaćih i međunarodnih organizacija i institucija o evropskim perspektivama Bosne i Hercegovine.



Sastanak organizacija civilnog društva sa Niels Muižnieksom, Komesarom za ljudska prava Savjeta Evrope, 15. jun 2017. godine

- **Izradili smo publikaciju: “Žene, rad i zapošljavanje u aktima Evropske Unije”**, koja analizira EU direktive i druge dokumente u ovoj oblasti i ukazuje na koji način bi ovi standardi trebali biti usklađeni i inkorporirani u bh domaće zakonodavstvo. Publikacija je dostupna na: <http://hcabl.org/wp-content/uploads/2017/08/ZRZ.pdf>
- **Učestvovali smo u kreiranju “Alternativnih odgovora organizacija civilnog društva na upitnik Evropske komisije”**, koji daju presjek stanja u oblasti zaštite ljudskih prava u Bosni i Hercegovini iz perspektive civilnog društva u BIH. Odgovori su dostupni su na: http://ukljuciseu.org/wp-content/uploads/2017/08/Upitnik_Odogovori-OCDa.pdf

STUDIJSKE POSJETE I OBUKE

Bili smo dio dvije studijske posjete organizovane od strane Kvinna till Kvinna: Briselske sedmice treninga i konsultacijskih sastanaka od 23. do 28. aprila 2017. godine i studijske posjete Beču od 18. do 22. septembra 2017. godine, čiji cilj je bio upoznavanje sa austrijskim modelom borbe protiv nasilja prema ženama i EU standardima u zaštiti žrtava od nasilja u porodici. Takođe, učestvovali smo na radionici Strateškog planiranja u Beogradu od 14. do 15. februara 2017. godine, kao i na mrežnom sastanku Kvinna till Kvinna organizacija na Jahorini od 14. do 16. novembra 2017. godine.

PARTNERSKI PROJEKTI:

BUDI LIDER/KA 21. VIJEKA

Helsinški parlament građana Banja Luka i Jeanne Sauvé Fondacija iz Kanade organizovali su u periodu od 7. do 10. aprila 2017. godine trening za mlade lidere/ke iz Banjaluke. Trening „Budi lider/ka 21. vijeka“ okupio je 13 mladih liderki iz oblasti nauke i tehnologije, prava, ekonomije i medicine i omogućio je učesnicama da se usavrše u polju liderstva, sa naglaskom na profilisanje svojih leaderskih kapaciteta, komunikacije i upravljanja vremenom i ličnim resursima. Na treningu je istaknuto da su za liderstvo potrebna određena znanja i vještine, te da je neophodno razvijati vlastiti leaderski stil kako bi bili što efikasniji lideri/ke u iznimno izazovnom i globalizovanom okruženju u kakvom živimo danas.



U okviru ove aktivnosti organizovana je, u saradnji sa Američkim kutkom, i sesija „Kako biti uspješan lider/ka u svojoj sredini“ sa istaknutim mladim bh. liderima. Tom prilikom publici su se predstavili Almir Badnjević, doktor nauka iz oblasti bioinženjeringa, na listi najistaknutijih lidera na svijetu po američkom magazinu Marquis; Brankica Raković, blogerka i urednica online portala „Lola“; Bojan Vuković, CEO DVC Solutions; Ana Kotur, dobitnica UN-ove nagrade za izvještavanje o osobama sa invaliditetom u BiH; Jelena Joksimović, urednica magazina „Ljepota i Zdravlje“, Tanja Mandić-Đokić, konsultantica za pitanja društveno marginalizovanih grupa, te Sonja Pržulj, direktorica Američkog kutka u Banjaluci. Učesnici/ce su govorili o poziciji lidera/ka da oblikuje, reguliše, kontroliše i mijenja stavove i performanse članova/ca grupe, kao i važnosti komunikacije sa javnošću. Publiku je posebno zanimalo na koji način lideri/ki ostaju motivisani u poslu kojim se bave, kao i modeli konstantnog usavršavanja bez kojeg lideri/ki ne bi mogli odoliti izazovima koje sa sobom nosi tehnološka revolucija i uticaji globalizma.

MIR SA ŽENSKIM LICEM - ŽENSKA INICIJATIVA ZA SUOČAVANJE SA PROŠLOŠĆU

Projekat "Mir sa ženskim licem – ženska inicijativa za suočavanje s prošlošću" je zajednički projekat Fondacije "Lara" i Udruženja "HO Horizonti" iz Tuzle koji za cilj ima uključivanje žena u procese izgradnje mira u BiH, a finansijski je podržan od švedske fondacije Kvinna till Kvinna. Projekat okuplja aktivistkinje iz 12 ženskih organizacija sa cijelog prostora Bosne i Hercegovine.

U 2017. godini, u okviru Inicijative Mir sa ženskim licem, organizovali smo, na Trgu Krajine u Banjaluci, 8. decembra uličnu akciju podjele promotivnog materijala koja je imala za cilj informisati građane/ke o inicijativi i značaju obilježavanja Dana sjećanja na stradanje žena u ratu. Podjelom flajera, promovisanjem ideje o uspostavljanju 8. decembra kao Dana sjećanja na žene stradale u ratu i razgovorom sa sugrađankama i sugrađanima, ukazali smo na potpunu zanemarenost žena, njihovih tragičnih priča i žrtava tokom i nakon rata u BiH. Iako od nadležnih vlasti ova inicijativa nije prepoznata i podržana, aktivistkinje širom Bosne i Hercegovine su 8. decembra izašle na ulice i pokazale da ne odustaju od namjere da ovaj datum bude uvršten u kalendar kao državni praznik kojim će se obilježiti Dan sjećanja na stradanje žena u ratu u BiH.



Programsko područje: Stvaranje uslova za intenzivnije uključivanje mladih u javni život

Ciljevi programskog područja su stvaranje pretpostavki za intenzivnije uključivanje mladih u javni život, osnaživanje i povezivanje mladih po interesnim područjima za aktivnije učešće u javnom životu, kao i povećanje broja mladih u političkom životu. Realizujemo ga kroz edukativne aktivnosti, kampanje, analize položaja omladine u različitim društvenim oblastima i promociju mladih aktivista.

VOLONTERSKI PROGRAM

U prvoj polovini godine nastavljen je besplatni kurs njemačkog jezika koji je vodila naša volonterka iz Njemačke Vera Brand. Pored njenog volonterskog angažmana, u 2017. smo pokrenuli i poseban program volontiranja u okviru projekta „Ženska ljudska prava u BiH i evropske integracije“ u cilju uključivanja studenata i studentica u proces praćenja i izvještavanja o napretku BiH na putu pridruživanja Evropskoj uniji. Volonterke/i su pozvani da učestvuju u projektnim edukacijama, kreiranju sadržaja na informativnoj web stranici ukljuciseu.org, kampanjama zagovaranja, pisanju EU alternativnih izvještaja o napretku, analizama EU direktiva i pisanju analitičkih članaka o pojedinim pregovaračkim poglavljima.

Konferencija o korupciji u Berlinu

U Berlinu je u period od 16. do 18. juna održan međunarodni simpozijum na temu fenomena korupcije pod nazivom “Neodoljivo?” (“Irresistible?”). S obzirom na to da je korupcija vrlo složena društvena pojava, fokus nije bio samo na političkim i ekonomskim aspektima, već i na društvenim, kulturnim, istorijskim, religijskim, umjetničkim, filozofskim, građanskim i novinarskim dimenzijama i perspektivama korupcije. Nadalje, simpozij je poslužio kao obrazovna platforma i sredstvo razmjene mišljenja i iskustava između aktivista, novinara, političara, akademskih radnika i umjetnika iz skoro 50 zemalja iz Istočne Evrope, Zapadnog Balkana i zemalja EU. Na konferenciji je učestvovala i volonterka Helsinškog parlamenta građana, Vera Brand, a konferenciju je organizovala njemačka Savezna agencija za građansko obrazovanje (bpb), u suradnji s Goethe Institutom iz Ukrajine, uz podršku njemačkog ministra spoljnih poslova.



INFO KUTAK

Januar i februar u znaku sastanaka

Prva dva mjeseca 2017. godine protekla su u znaku sastanaka sa različitim međunarodnim predstavnicima - Khaldoun Sinno, zamjenikom specijalnog predstavnika EU u Bosni i Hercegovini, Aleksandrom Wagner, političkom savjetnicom EU kancelarije u Banjaluci, Marianne Berecz, zamjenicom visokog predstavnika za BiH (High Representative Head of OHR) u Banjaluci, Mattias Bergdahl, International Policy Officer, DG for Communications Networks, Content and Technology i sa Ginny Morrison, programskom menadžericom KARUNA centra za izgradnju mira. Na sastancima je razgovarano o situaciji u BiH, aktivnostima organizacija civilnog društva na polju EU integracija i medijskim slobodama i klimi za rad NVO u BiH.

„Kvote su dobre, ali ne i ključne“

Uoči Međunarodnog dana žena Komisija za ravnopravnost polova Predstavničkog doma Parlamenta BiH i Agencija za ravnopravnost polova organizovali su 6. marta tematsku sjednicu u Parlamentu na kojoj su, između ostalog, uručene nagrade Ismeti Dervoz i Andrei Vujošević, direktorici Multiplex Cinema, za doprinos ostvarivanju ravnopravnosti polova u BiH. Na sjednici, na kojoj su učestvovala i predstavnice Helsinškog parlamenta građana, ponovo je skrenuta pažnja na činjenicu da BiH i dalje nema krovni Zakon o medicinski potpomognutoj oplodnji. Više govornika/ca istaklo je da BiH ima obavezu da na nivou države omogući parovima liječenje neplodnosti. „Ne postoje ni vjerski ni politički razlozi da nekome ne damo pravo da bude roditelj“, istakla je Ismeta Dervoz.

Govoreći o učešću žena u političkom životu zemlje Mirsad Isaković, predsjedavajući Komisije za ravnopravnost polova, izjavio je da je „ključno jačati žene u političkim strankama“.

„Kvote su dobre, ali ne i ključne. Pristajemo na manje i to ne valja“, izjavio je Isaković dodajući da bi nam trebao i novi zakon o političkim partijama na načelim ravnopravnosti polova. „Moraćemo uvesti garantovana mjesta za manje zastupljen pol kao privremenu mjeru“, najavio je Isaković.

Osmomartovski marš

Moto ovogodišnjeg Osmomartovskog marša bio je “Nismo rođene samo da rađamo!”. Marš, koji je petu godinu za redom organizovan u Banjaluci, počeo je okupljanjem ispred Narodnog pozorišta Republike Srpske, nastavio se na Trgu Krajine, čitanjem pjesme „Uspavanka za O“ autorice Dijale Hasanbegović, a završio je projekcijom filma „Sufražetkinja“ u Banjalučkom socijalnom centru – BASOC-u.

Parolom “Nismo rođene samo da rađamo!” željelo se ukazati da se uloga žene u društvu ne može svoditi samo na rađanje i podizanje djece.

“Ne pristajemo da živimo u okovima patrijarhata koji uporno marginalizuje i negira potencijale žena”, poruka je učesnica/ka marša koji su se ove godine priključili i generalnom osmomartovskom maršu, koji je organizovala Međunarodna ženska štrajkačka asocijacija (The International Women’s Strike – IWS), a koji je nastao kao odgovor na trenutno stanje žena u društvu, koje doživljavaju ekonomsko,

socijalno, političko i fizičko nasilje. IWS je nastao na inicijativu Poljakinja koje su u oktobru prošle godine masovno izašle na ulice protiveći se donošenju zakona koji je imao namjeru u potpunosti zabraniti abortus u Poljskoj.



Osuda administrativne ćutnje

Zbog administrativne ćutnje Ministarstva saobraćaja Kantona Sarajevo zbog koje Sarajevski otvoreni centar (SOC) nije mogao organizovati protesnu šetnju za prava LGBTI osoba u Sarajevu, Helsinški parlament građana je izdao saopštenje za javnost u kojem smo osudili ovakvo ponašanje kantonalnog ministarstva.

“Ministarstvo saobraćaja Kantona Sarajevo je, ne izjašnjavajući se mjesec dana da li odobravaju prijavu protesnog marša, samo dodatno potvrdilo da institucije sistema nisu u stanju adekvatno i u skladu sa zakonima odgovoriti i zaštititi prava LGBTI populacije. Uskraćivanjem prava na javno okupljanje, jer kako drugačije tumačiti ćutnju i neizjašnjavanje Ministarstva saobraćaja Kantona Sarajevo po dobijenoj prijavi za organizovanje marša, dodatno su pojačane sumnje u namjere naših vlasti da grade otvoreno i inkluzivno društvo u kojem svi, bez obzira na nacionalnu ili vjersku pripadnost, pol, socijalni status ili seksualnu orijentaciju, uživaju ista prava i imaju iste mogućnosti”, stoji, između ostalog u saopštenju HPG BL.

BLASFEM

Prvi banjalučki feministički festival BLASFEM održan je 2. i 3. juna u prostorijama Banjalučkog socijalnog centra i Društveno-kulturnog centra Incel i okupio je veliki broj aktivistica i borkinja za ženska ljudska prava iz BiH i regiona.

Oficijelni dio festivala zatvorio je panel pod nazivom „Radnica danas: feminističke borbe i utopije”. Jedna od učesnica panela, Emina Busuladžić, iz Tuzle govorila je o borbi radnica i radnika fabrike Dita iz Tuzle da zadrže fabriku, što im je, na kraju, i pošlo za rukom. “Ja sam cijeli svoj radni vijek provela u toj fabrici. Ja sam je izgrađivala i nisam htjela dopustiti da je tek tako raskrčme kriminalci”, rekla je Emina

Pored ovog, u okviru BLASFEM-a, održana su još dva panela. Na jednom se govorilo o materinstvu na evropskoj poluperiferiji u doba neoliberalnog kapitalizma. Otvoreno je dosta pitanja i dilema, od uslova porođaja u današnjim bolnicama, položaja samohranih majki, motiva da se (ne)rodi dijete, definicije današnje porodice do uticaja religije na materinstvo i sistem obrazovanja. Na drugom panelu govorilo se o tome kome i zašto pišemo i šta čitamo, o čemu su diskutovale novinarke, bloggerke i spisateljice iz BiH i regiona.



Prvi banjalučki feministički festival organizovao je Banjalučki socijalni centar BASOC, iz podršku Kvinna till Kvinna fondacije, a organizaciju festivala podržao je i Helsinški parlament građana Banjaluka.

Prigovor Vijeću za štampu BiH na portale koji su promovisali silovanje

Helsinški parlament građana podržao je inicijativu Sarajevskog otvorenog centra i krajem juna uputili smo Vijeću za štampu BiH prigovor na portale radiosarajevo.ba i slobodna-bosna.ba zbog promovisanja mizoginog video uratka youtube blogera Amira Hadžića u kojem omalovažava i vrijeđa žene i opravdava nasilje i silovanje žena!

Uz senzacionalističke naslove i konstatacije da snimci Amira Hadžića „*nasmijavaju cijeli region*“, portali su promovisali video kojim se cementiraju rodni stereotipi i predrasude, grubo vrijeđaju žene, širi govor mržnje i opravdava i podstiče na nasilje i silovanje žena.

Ne pronalazeći ništa „smiješno“ u Amirovom snimku, u dopisu smo zatražili da portali „*skinu*“ ovaj video materijal sa svojih stranica, te da se javno izvine ženama zbog promovisanja narativa koji tvrdi da je žena kriva za silovanje, te da žene svojim izgledom i ponašanjem same izazivaju nasilje, fizičko i seksualno, te trebaju da ga očekuju.

Nakon intervencije Žalbene komisije Vijeća za štampu portali su uklonili sporni sadržaj prenijet sa Youtube kanala.

Osuda govora mržnje prema ženama

Kao članica Ženske mreže BiH i Mreže za izgradnju mira BiH, Helsinški parlament građana je bio jedan od potpisnika Saopštenja za javnost kojim je oštro osuđen govor mržnje prema novinarkama Saneli Prašović Gadžo i Arijani Saračević Helać, iznijet na ličnom facebook profilu zamjenika generalnog sekretara Predsjedništva Bosne i Hercegovine Dženana Selimbegovića.

„Posebno nas zabrinjava činjenica da ovo nije prvi put da Selimbegović putem Facebook profila direktno vrijeđa građane BiH, a ovaj put svoj mizogini govor usmjerio je na dvije novinarke nastojeći uvredama diskreditovati njihove profesionalne sposobnosti. Smatramo da je vrijeme da se državne institucije, posebno Predsjedništvo BiH, ogradi od izjave službenika Selimbegovića, te da najoštrije sankcioniše ovakvo ponašanje, tj. da pokrene disciplinski postupak protiv Selimbegovića.

U javnom medijskom prostoru Bosne i Hercegovine nema mjesta mizoginiji, te tražimo oštro sankcionisanje svake osobe koja na bilo koji način širi govor mržnje, osobito kada se radi o osobi koja obnaša javne funkcije i treba da zastupa interese građanki i građana Bosne i Hercegovine“, navedeno je, između ostalog u saopštenju upućenom medijima i Predsjedništvu BiH.

Zahtjev za otkazivanjem skupa podrške Ratku Mladiću

Ispred Mreže za izgradnju mira BiH uputili smo molbu Ministarstvu unutrašnjih poslova RS da otkazu, odnosno da uskrate dozvolu za održavanje skupa podrške Ratku Mladiću, zakazanog za 11. juli, istog dana kada se u Srebrenici obilježava 22 -godišnjica stradanja Bošnjaka u tom gradu.

„Ovaj skup podrške Ratku Mladiću na 11. juli ne možemo a da ne okarakterišemo kao provokaciju i veliku prijetnju miru i suživotu na ovim prostorima. To je, takođe, i nipodaštavanje žrtava i stavljanje soli na rane rodbini stradalih, koji će i sutra sahranjivati svoje najbliže. Mišljenja smo da oni koji organizuju ovakav skup ne poštuju žrtve i njihove porodice, bez obzira sa koje strane dolaze i kojem narodu pripadaju. Za njih su žrtve samo brojevi i ne vide patnje ljudi koji 25 godina nakon rata traže i sahranjuju svoje najbliže. Mreža za izgradnju mira se bori za poštovanje i prava svih žrtava u proteklom

ratovima i radi na tome da se kulturu rata, ubijanja, silovanja, izbjeglištva i stradanja, mijenja za kulturu mira, uvažavanja, poštovanja i odgovornosti za buduće generacije“, navedeno je u zahtjevu upućenom MUP RS.

Osuda napada na novinara Dragana Bursaća

Helsinški parlament građana Banjaluka najoštrije je osudio prijetnje smrću upućene novinaru i kolumnisti Draganu Bursaću, a od nadlaženih organa zatražio je da odmah reaguju.

Dragan Bursać je jedan je od rijetkih novinara u Republici Srpskoj koji otvoreno i kritički pišu o ponašanju i djelima vlasti, a naročito o ratnim događajima, preispitujući odgovornost srpskih vlasti za zločine počinjene nad Bošnjacima i Hrvatima. Dobitnik je prestižne novinarske nagrade “Srđan Aleksić” koja se dodjeljuje novinarima i novinarkama za profesionalno izvještavanja i promociju društveno odgovornog novinarstva. Radi se o jednom istinski hrabrom i društveno odgovornom novinaru, koji ne saginje glavu pred problemima i činjenicama koje većina novinara i medija prešutkuje i koje su na neki način tabui u Republici Srpskoj.

Zbog svog pisanja i javnog iznesenih stavova, koji su, skoro po pravilu, bili u suprotnosti sa zvaničnim stavovima vlasti u RS koji i dalje minimiziraju ili negiraju zločine počinjene nad Bošnjacima tokom rata, često je bio meta verbalnih napada.

Tako je bilo početkom jula kada je Bursać reagovao svojom kolumnom protiv organizovanja skupa podrške Ratku Mladiću i negiranja genocida u Srebrenici, koji je zakazan za 11. juli i koji je odobren od strane policije. Nakon objave kolumne dobio je preko facebooka otvorene prijetnje smrću.

Organi bezbjednosti (tužilaštvo i policija) dužni su da zaštite sve građane od takvih i sličnih prijetnji, te bi i u ovom slučaju morali preduzeti sve da govor mržnje i prijetnje smrću upućene Bursaću budu sankcionisane. Stoga pozivamo nadležne institucije da što hitnije reaguju i privedu pravdi počinioaca ovog krivičnog djela.

Konferencija u Tirani „EU Western Balkans Media Days“

Na konferenciji održanoj od 8. do 10. novembra u Tirani učestvovao je veliki broj predstavnika medija, regulatornih agencija, organizacija civilnog društva i vlasti. EU komesar za dobrosusjedske odnose i proširenje Johaneshan je ponovio da je sloboda izražavanja temeljna vrijednost EU o kojoj se ne pregovara. On je istakao da EU pažljivo prati izazove i prepreke sa kojima se suočavaju mediji na Zapadnom Balkanu, koji uključuju tužbe za klevetu, zloupotrebe javnih sredstava u medijskom reklamiranju, nasilje i prijetnje novinarima, pitanje samocenzure, medijske pismenosti, itd.

Tamara Skrozza, novinarka časopisa Vreme i članica Vijeća za štampu Srbije je vrlo emotivno govorila o medijskoj situaciji u Srbiji poručujući EU zvaničnicima da “dalje ne odmažu”.


“Ako nam već ne možete pomoći, nemojte nam odmagati svojim izjavama da je u Srbiji sve u redu, da se stvari razvijaju u pravom smjeru, itd. Time samo dajete alibi vlastima da i dalje postupaju kako postupaju prema novinarima”, rekla je Tamara. Johaneshan je rekao da razumije nestrpljenje novinara, “ali i vi morate pokušati nas razumjeti”.



“Mi ne možemo ubrzati process proširenja, zemlja kandidatkinja nas mora uvijeriti da je sve uradila kako bi postala članica, a to uključuje i obezbjedjenje uslova za rad medija i medijske slobode. Mi ne možemo nametnuti slobodu izražavanja, ali možemo ponoviti da EU ima svoje standarde i da želimo vidjeti kako određena zemlja dalje svoj doprinos dostizanju tih standard”, rekao je Han.



Građani grade građu

Centar za životnu sredinu, Helsinški parlament građana Banjaluka, Zdravo da ste i Nevid teatar ugostili su sredinom juna predstavnike sarajevskog pokreta Dobre Kote u banjalučkom naselju Centar. Zajedno sa ovom grupom entuzijasta koja je u proteklih godinu-dvije oživjela šest napuštenih i zapuštenih javnih prostora u Sarajevu djecom, mamama, tatama i mnogima drugima izgradili smo prvu kotu u Banjaluci u ulici Sime Šolaje i oslikali Građu za koju se stanari ovog naselja bore da (p)ostane dječije igralište i ne bude pretvorena u još jedan parking u gradu.




ŽENE, RAD I ZAPOSILJAVANJE U AKTIMA EVROPSKE UNIJE

Publikacija je nastala u saradnji Helsinškog parlamenta građana Banja Luka i Sarajevskog otvorenog centra kao slijed ranije izdatih publikacija: „Majčinstvo, roditeljstvo i očinstvo i pravo Evropske unije“, „Sudska praksa Evropskog suda pravde u oblasti zaštite trudnica i porodilja“ i „Prijedlog izmjena i dopuna Zakona u radu u FBiH“. I ova analiza ukazuje da dobro postavljeni i formulisani zakoni koje imamo u Bosni i Hercegovini ne prate situaciju na terenu. Iako zakoni garantuju istu platu za isti rad ili rad jednake vrijednosti, statistički podaci govore da su prosječne plate muškaraca u BiH veće od plata žena. Takođe, zakoni zabranjuju različit tretman zbog trudnoće, porođaja ili korištenja prava na porodiljsko odsustvo, a onome ko radnici prekinu radni odnos zbog trudnoće zapriječeno je krivičnom sankcijom. Pa ipak, istraživanja govore da se praksa otpuštanja radnica zbog trudnoće nastavlja. Publikacija predstavlja doprinos razumijevanju procesa pristupanja Bosne i Hercegovine Evropskoj uniji sa stanovišta obaveza koje ima Bosna i Hercegovina, a koje se tiču usklađivanja domaćih bh. zakonskih propisa sa EU pravnom stečevinom.



Dokument se oslanja na četverogodišnji rad Inicijative koja kroz alternativne izvještaje, od 2013. godine, daje pregled napretka BiH na putu u Evropsku uniju. Odgovori predstavljeni ovdje nisu sveobuhvatni u smislu odgovora na sva pitanja u Upitniku, niti nam je to bio cilj. Sveobuhvatne odgovore treba da dostavi država BiH, a organizacije civilnog društva željele su predstaviti svoju perspektivu i ponuditi odgovore na pitanja koja se tiču, prije svega, demokratije, ljudskih prava i vladavine prava u BiH. Odgovori su zasnovani na znanju, analizama i direktnim iskustvima organizacija civilnog društva sa terena.



(O)živimo javne prostore

Helsinški parlament građana je pripremio publikaciju “(O)živimo javne prostore” čiji cilj je predstaviti i približiti načine korišćenja javnih dobara na nivou lokalne zajednice. S jedne strane, pokušali smo napraviti uvid u to kojom nepokretnom imovinom (zgrade, stanovi, poslovni prostori, garaže, industrijski objekti, zemljište) raspolaže grad Banjaluka i na koji način Grad upravlja ovom imovinom. S druge strane, željeli smo ukazati na primjere dobrih praksi iz našeg susjedstva i nekih evropskih gradova kako bismo pokazali na koji način se danas mogu i trebaju koristiti javna fizička dobra, a naročito ona koja godinama stoje prazna ili su devastirana. Publikacija je nastala u sklopu projekta koji je podržan od njemačke fondacija „Heinrich Böll Stiftung“.

EDUKATIVNI PROGRAMI U PONUDI

Civilno društvo i ljudska prava

Osnovni treninzi

Naziv treninga

Teme

Civilno društvo i aktivizam

pojam civilnog društva, pojam nevladinih organizacija, uloga, status i zakonski okvir u BiH, formiranje i registrovanje nevladine organizacije, pojam aktivizma i sl...

Ljudska prava u mojoj zajednici

ljudska prava, istorijat, pojam diskriminacije, mehanizmi zaštite ljudskih prava, ugrožene grupe, modaliteti uticaja na vlast radi zaštite ljudskih prava...

Ravnopravnost polova

pojam pola i roda, pojam diskriminacije po osnovi pola, rodni stereotipi i predrasude, seksualnost, položaj žena i muškaraca u BiH društvu, zakonski okvir za ravnopravnost polova u BiH...

Napredni treninzi/Treninzi za profesionalne grupe

Naziv treninga

Teme

Rodno osjetljive politike

pojam rodne analize, rodno osjetljive i rodno odgovorne praktične politike...

Izveštavanje o različitostima u medijima

uloga medija u savremenom društvu, stereotipi i predrasude u medijima, društveno marginalizovane grupe i njihovo prikazivanje u medijima, diskriminacija u medijima (mogućnost fokusa na specifične teme)...

Rodno osjetljivo izvještavanje u medijima

uloga medija u savremenom društvu, portreti muškaraca i žena u medijima, diskriminacija u medijima, zakonski okvir za rad medija u BiH, rodna analiza medijskih sadržaja (mogućnost fokusa na specifične teme)...

Razvoj volonterizma

Pojam volonterizma, načini za uključivanje i angažovanje volontera u rad organizacije, zakonski okvir, razvoj volonterske mreže ...

Izgradnja kapaciteta organizacije

Naziv treninga

Teme

Vođenje nevladine organizacije i


pojam nevladine organizacije, zakonski okvir za djelovanje

obezbjedjivanje sredstava za rad	nevladinih organizacija, struktura nevladine organizacije i donošenje odluka, misija, vizija i programske aktivnosti nevladinih organizacija, načini finansiranja nevladinih organizacija...
Izrada strateškog plana	Strateško planiranje i važnost planiranja, misija i vizija, analiza problema, programsko planiranje, ciljevi i rezultati, analiza unutrašnjih i vanjskih pretpostavki za realizaciju plana, saveznici i protivnici...
Izrada projektnih prijedloga	Pojam projektnog prijedloga, analiza problema, ciljeva i rezultata, matrica logičkog okvira, popunjavanje forme projektnog prijedloga, finansijski aspekt projekta i projektni budžet, ugovor sa donatorima...
Osnove finansijskog vođenja nevladinih organizacija	Specifičnosti rada nevladinih organizacija i zakonski okvir, finansijske obaveze nevladinih organizacija prema državi i prema donatorima, usklađivanje zahtjeva donatora i domaćih finansijskih institucija, organizovanje finansijskog poslovanja u NVO...

Izgradnja ličnih kapaciteta

<i>Naziv treninga</i>	<i>Teme</i>
Javno zagovaranje, vođenje kampanje, lobiranje	Pojam javnog zagovaranja, planiranje akcije javnog zagovaranja, ciljne grupe javnog zagovaranja, pojam kampanje, pojam lobiranja...
Odnosi s javnošću i predstavljanje u medijima	Pojam odnosa s javnošću, metode komunikacije u odnosima s javnošću, odnosi s medijima, kako postati vijest, načini komunikacije s medijima, saopštenje za javnost, pres konferencija, specifičnosti tv i radio nastupa...
Rješavanje sukoba, pregovaranje i nenasilna komunikacija	Pojam sukoba, načini rješavanja sukoba, interesno zasnovano rješavanje sukoba, pozicije i interesi u sukobu, mirenje i medijacija, komunikacijske vještine – nenasilna komunikacija...
Pregovaranje	Pojam pregovaranja, interesno zasnovano pregovaranje, pozicije i interesi, prepreke pregovaranju i put do sporazuma, faze u postupku pregovaranja, analiza opcija i utvrđivanje prijedloga...
Facilitacija i donošenje odluka	Pojam facilitacije, donošenje odluka u grupi, komunikacijske vještine, kompromis i konsenzus, put do konsenzusa, glasanje...
Integralna sigurnost	pojam integralne sigurnosti, prepoznavanje izazova i prijetnji, analiza konteksta, kreranje sigurnog prostora za rad i djelovanje, razvoj strategija za primjenu koncepta integralne sigurnosti ...

Organizacijska struktura Helsinškog parlamenta građana Banja Luka



PREGLED RASPOLOŽIVIH SREDSTAVA I TROŠKOVA U 2017. GODINI	IZNOS U KM	IZNOS U EUR
---	-------------------	--------------------

RASPOLOŽIVA SREDSTVA U 2017. GODINI		
Neutrošena sredstva iz 2016. godine	187715,83	95977,58
Donatorska sredstva po projektima	247925,51	126762,30
Individualne donacije udruženju	724,82	370,59
Nenamjenske donacije udruženju od pravnih lica	0,00	0,00
Prihod od članarina	6800,00	3476,78
Povrat PDV-a	2589,50	1323,99
UKUPNO RASPOLOŽIVA SREDSTVA	445755,66	227911,24

TROŠKOVI U 2017. GODINI		
Neto plate	101688,00	51992,25
Porezi i doprinosi na plate	64100,76	32774,20
Troškovi kancelarije (iznajmljivanje prostora, struja, voda, grijanje itd.)	11949,49	6109,68
Troškovi telefona i interneta	2645,21	1352,47
Troškovi spoljnog knjigovodstvenog servisa i revizije finansijskih izvještaja	3740,00	1912,23
Troškovi bankovnih provizija	2535,80	1296,53
Troškovi aktivnosti	130144,50	66541,83
UKUPNI TROŠKOVI	316803,76	161979,19

Raspoloživa sredstva za 2017. godinu	445755,66	227911,25
Ukupni troškovi u 2016. godini	316803,76	161979,19
Neutrošena sredstva u 2017. godini	128951,90	65932,06

**Osooblje Helsinškog parlamenta
građana:**

Dragana Dardić

Aleksandar Žolja

Svjetlana Marković

Željka Umićević

Igor Kolundžija

Milica Marković

Mirjana Ribić

Goran Bubalo

Nina Kuljanac

Jelena Vukelić

Zvijezdana Marković

Članovi i članice Upravnog odbora:

Milkica Milojević

Goran Bubalo

Jasmina Čaušević

Članovi i članice Savjetodavnog odbora:

Lidija Živanović

Srđan Puhalo

Gordana Katana

Vladimir Turjačanin

Sandra Dukić

Siniša Marčić

Donatori koji su podržavali naš rad u 2017. godini:

Fondacija "Kvinna Till Kvinna" Švedska

USAID

Friedenskreis Halle e.V.

Evropa za građane

Peace Nexus Foundation

Heinrich Böll Stiftung